

გ ა ნ მ ა რ ტ ე ბ ი თ ი ბ ა რ ა თ ი

„აჭარის ავტონომიური რესპუბლიკის 2009 წლის რესპუბლიკური ბიუჯეტის შესახებ“ აჭარის ავტონომიური რესპუბლიკის კანონში ცვლილებების შეტანის თაობაზე“ აჭარის ავტონომიური რესპუბლიკის კანონის პროექტზე

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი

„საბიუჯეტო სისტემის შესახებ“ საქართველოს კანონის 25-ე მუხლისა და „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 29-ე მუხლის მოთხოვნების შესრულება;

ა.ბ) კანონპროექტის მიზანი

აჭარის ავტონომიური რესპუბლიკის 2009 წლის რესპუბლიკური ბიუჯეტის შემოსულობებისა და გადასახდელების დაზუსტება;

ა.გ) კანონპროექტის ძირითადი არსი

სხვადასხვა საბიუჯეტო ორგანიზაციებისათვის გათვალისწინებული ასიგნებების ცვლილება.

ბ) კანონის პროექტის ფინანსური დასაბუთება:

ბ.ა) კანონის პროექტის მიღებასთან დაკავშირებით აუცილებელი ხარჯების დაფინანსების წყარო

წარმოდგენილი კანონპროექტით გათვალისწინებული გადასახდელების დაფინანსების წყაროს წარმოადგენს აჭარის ავტონომიური რესპუბლიკის რესპუბლიკური ბიუჯეტის შემოსულობები;

ბ.ბ) კანონის პროექტის გავლენა ბიუჯეტის შემოსულობების ნაწილზე

რესპუბლიკური ბიუჯეტის შემოსავალები 2009 წლის დამტკიცებულ საპროგნოზო მაჩვენებელთან შედარებით იზრდება 1 832,0 ათასი ლარით და 104 986,7 ლარს შეადგენს, რაც გამოწვეულია სხვა შემოსავლებისა და სახელმწიფო ბიუჯეტიდან მისაღები გრანტის საპროგნოზო მაჩვენებლების ზრდით.

რესპუბლიკური ბიუჯეტის შემოსულობები 2009 წლის დამტკიცებულ საპროგნოზო მაჩვენებელთან შედარებით მცირდება 13 899,6 ათასი ლარის ოდენობით. შემცირება შეეხო არაფინანსური აქტივების კლების მუხლს.

ვალდებულებების კლების საპროგნოზო მაჩვენებელი მცირდება 6 317,0 ათასი ლარით და შეადგენს 4 155 ათას ლარს, შემცირება გამოწვეულია იმ გარემოებით, რომ ს.ს. თუსთაშთან შედგა შეთანხმება მასზედ, რომ 2009 წლის 31 დეკემბრამდე ავტონომიური რესპუბლიკა დაფარავს 1 900,0 ათასი აშშ დოლარის ექვივალენტ ლარს, 2010 წლის 30 ივნისამდე 2 700,0 ათასი აშშ დოლარის ექვივალენტ ლარს და დარჩენილი გადასახდელი 1 432,4 ათასი აშშ დოლარის სანაცვლოდ აჭარის ავტონომიური რესპუბლიკა ს.ს. თუსთაშს გადასცემს საკუთრების უფლებით აჭარის ავტონომიური რესპუბლიკის საკუთრებაში არსებულ ხელვაჩაურის მუნიციპალიტეტის სოფელ გონიოში მდებარე არასასოფლო-სამეურნეო დანიშნულების მიწას 31 830 კვ.მ ოდენობით.

ბ.გ) კანონის პროექტის გავლენა ბიუჯეტის ასიგნებებზე

წარმოდგენილი პროექტის მიხედვით რესპუბლიკური ბიუჯეტის ასიგნებები დამტკიცებულ მაჩვენებელთან შედარებით მცირდება 12 651,4 ათასი ლარით და შეადგენს 120 625,7 ათას ლარს. აღნიშნული შემცირებები გამოწვეულია ძირითადად სატენდერო თუ სხვა სახის ეკონომიების გამოვლინებით.

რესპუბლიკური ბიუჯეტის ასიგნებები დამტკიცებულ მაჩვენებელთან შედარებით იზრდება 583,8 ათასი ლარით ზრდა განხორციელდა შემდეგი მიმართულებით:

უცხოეთიდან მიღებული დაფინანსების წყაროებით განსახორციელებელი საინვესტიციო პროექტები და ამ პროექტების თანადაფინანსების ხარჯები 232,0 ათასი ლარი;

სსიპ ბათუმის ხელოვნების ინსტიტუტი 213,9 ათასი ლარი;

შ.პ.ს. გაზეთ „აჭარისა“ და „აღჟარიას“ რედაქცია 25,0 ათასი ლარი;

სსიპ კურორტი ბეშუმი 18,0 ათასი ლარი;

სსიპ აჭარის ხარიტონ ახვლედიანის სახელობის მუზეუმი 10,1 ათასი ლარი;

აჭარის ავტონომიური რესპუბლიკის ფინანსთა და ეკონომიკის სამინისტრო 84,9 ათასი ლარი;

ბ.ე) კანონის პროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება

ბ.ვ) კანონის პროექტით დადგენილი გადასახადის, მოსაკრებელის ან სხვა სახის გადასახდელის ოდენობის განსაზღვრის წესი (პრინციპი)

კანონის პროექტი არ ითვალისწინებს გადასახადის, მოსაკრებელის ან სხვა სახის გადასახდელის ოდენობის განსაზღვრას და შესაბამისად არ ადგენს მათი განსაზღვრის წესს;

გ) კანონის პროექტის მიმართება საერთაშორისო სამართლებრივ სტანდარტებთან

კანონპროექტი არ ეწინააღმდეგება საერთაშორისო სამართლებრივ სტანდარტებს;

გ.ა) კანონის პროექტის მიმართება ევროკავშირის ღირებულებებთან

კანონის პროექტი არ ეწინააღმდეგება ევროკავშირის ღირებულებებს;

გ.ბ) კანონის პროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

კანონის პროექტის მიღება არ ეწინააღმდეგება საქართველოს მიერ საერთაშორისო ორგანიზაციებში წევრობასთან დაკავშირებით აღებული ვალდებულებებს;

გ.გ) კანონის პროექტის მიმართება საქართველოს ორმხრივ და მრავალმხრივ ხელშეკრულებებთან

კანონის პროექტის მიღება არ არღვევს და არ ეწინააღმდეგება საქართველოს მიერ დადებული ორმხრივი და მრავალმხრივი საერთაშორისო ხელშეკრულებებით ნაკისრ ვალდებულებებს;

დ) კანონის პროექტის მომზადების პროცესში მიღებული კონსულტაციები:

დ.ა) არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონის პროექტის შემუშავებაში, ასეთის არსებობის შემთხვევაში

დ.ბ) კანონის პროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ

წარმოდგენილი კანონპროექტი მოწონებული იქნა აჭარის ავტონომიური რესპუბლიკის მთავრობის მიერ;

დ.გ) კანონის პროექტის ავტორი

კანონის პროექტის ავტორია აჭარის ავტონომიური რესპუბლიკის ფინანსთა და ეკონომიკის სამინისტრო;

დ.დ) კანონის პროექტის ინიციატორი

კანონის პროექტის ინიციატორია ავტონომიური რესპუბლიკის მთავრობა.